

叢書集成續編 第一四三冊目錄

文學類



詩文別集——明

楊弘山先生存稿十二卷·····	明	楊士雲著	雲南	一
夢澤集十七卷·····	明	王廷陳撰	湖北先正	二三一
內方先生集八卷附鈔一卷附錄一卷·····	明	童承敘撰	沔陽	三六七
玩鹿亭稿八卷·····	明	萬表著	四明	四八七
介山稿略十六卷補遺一卷·····	明	林應麒著	仙居	六三九
圭山近稿六卷·····	明	張儉著	仙居	七一一

雲南叢書集部之四

楊宏山存稿

共十二卷

雲南圖書館藏板

甲寅年刊

重刊楊弘山先生存稿序

明太和楊弘山先生存稿若干卷余於同治庚午維摩橋後并得之先生後人篋藏有年今付印發幸甚刊行世先生古文簡重有義法得力於經者深古近體詩亦典雅高亮不趨時好其平日流覽子史星曆之書雜用長短韻語記之意取備忘無關詞術夥存稿中似可芟蕪重以漢中先輩遺書面目孤存一仍其舊先生於明一代樸樸士夫中獨倡明理學躬修實踐不爲口耳之談至性純孝難進易退清介絕俗爲言官垂四十年子孫猶倚力耕自給宜乎中谿雪屏敬遜弗如此其人楊弘山先生存稿序

楊弘山先生存稿序

豈復待文字傳而文字之發見已如此惟其有之不可假也嗚呼世衰道喪士風掃地盱衡蒼洱間徒見山高而水深有踵先生之芳躅而興者乎余與印泉延頸望之矣中華民國元年壬子四月劍川後學趙藩撰

先生諱士雲字從龍號弘山別號九龍真逸名其居曰乾乾齋由解元進士起家官歷庶吉士歷兵科歷戶科辦司業辭提學辭尙書卿復入翰林院辭右春坊家居累詔累起累辭唯坐臥小樓萬卷橫襟一點靈光獨照舉外物毫無足以入其靈府無染無著無求明道以正學正學以扶世班班可攷是其人也

楊弘山先生存稿序

先生自少勵志聖賢之學里師邑儒胥側以視既與春薦慨爾謂知己日某相夫時出必歸處或足以成身及物故其爲學格物以廓其良知反躬以敦其實履無妄思輕動以貫持知行之間立志甚堅責志甚勇期底其地迺已終日儼然危坐萬卷橫陳齋肅肅默以存其心研精覃思以窮此理熟復經義以究聖賢心術之微歷考傳疏以服儒先識鑒之確無一事一物不致體驗以約其變無一書一言不入精神以辨其歸不變說以獨人不過高而立異殘文謬語皆不敢忽於微辭與義有未釋者不忘不助歛怡然渙然惟其擇既精是以守彌固涵養凝寂則戒懼孔嚴省察於幾微愈加謹密思慮未形自惺惺靈照非絕聖素智者之爲靜定也既交事物自中節度不爲物喜已悲全天理之正人心弗能遷杌也謂人得天地之精英有生凡根於衷通於感形

於身見於事者罔非太極二五之妙聖賢教詔實欲人踐形盡性庸完此賦畀之初耳是以明消息達盛衰察天時稽人事盡性情之蘊任綱常之責險夷常變不貳厥心

見諸身者色溫而貌恭氣清而神定無疾言無忤視無窘步無箕坐無叱喝聲完粹精純端詳閑泰宏廠而矩矱自存從容而果斷隨寓薰然而可親毅然不可犯動止有定儀居物有常所飲食菲而甚潔書器雖敝甚整五鼓而衣盟濯見祠寢必夜分既覺擁衾而坐涵泳絢繹有得輒取燭以書達旦常耳遇披閱倦焚香瞑坐起

楊忠公存稿

序

則緩步吟哦霽然晬盎可掬年彌高矣加以有疾謹飭於禮無異平時家人未嘗見其情容見諸事者不匿情不匿詐不伐善不較利害隆於孝愛友誼昆弟儼大賓以臨中閨崇仁愿以處族姻慈子孫則愛而能勞御僮僕則寬而有制孝於奉先朝望如墓拜謁衰年弗弛諱日則感愴泣下不食終日喜賓客至則趁時延款小大以一誠接離孺子兒亦肅容將迎口絕爾汝無一燕譁語久與之居愈益生敬學者親其矩範聆其誨言自然鄙吝潛消

或有問遺未有處者一介不苟留饒之典籍驢爾拜受

故達時產業不增於舊田疇所入卒歲爲難而衣糲食清苦終身處之宴如也三十餘年坐卧一樓非應賓客不下始終掃迹城府自入科第以訖易簪無片刺私于公家聞人之善若己有之不幸不能矜導不已不面摘人短亦不終默進退古人之得失使之自審人或未孚弗強也先生剛行固甚嚴而所以應世者不滯諸古不沿諸今介而不僻通而不同雖晦迹林壑而心切王家凡政務民情人才邊慮有未宜者慨然累月沉江逆賊之變者惻痾在身庚戌京師之警寒食俱廢士人有不欲仕者質於先生先生曰丈夫負荷甚大窮則爲己達

楊忠公存稿

序

則爲人其終於窮焉命也使能盡己之性而不推以及人是自遏其躬而已其愛人槩如此居鄉無異編氓雖不立言要約其廉約仁厚之風風諸鄉邑里中咸知愧恥每行事輒曰恐涉不義而爲弘山所知雖無賴惡少經先生虛懷感服

滇俗尙佛家段遺也喪葬率皆火化設齋事佛惟曰不足祖奠之曰盛陳孝筵豐酒崇餽哀樂相伴甚而壽子酣飲與客交錯弔客臨紼稱觥將敬延款或簪爭端從起附身附棺之具無留意者大家巨族因喪破產中人而下多以力不克辦終世停殯相沿日久先生深悼美

俗弊於喪紀迺於居憂時躬行禮制與鄉之篤實之英敏者講明儀節凡以節文乎喪禮洗滌乎頽風者靡導勸諭無不懇至甚而泣涕以感動之且曰人之生存也疾痛痾癢無尺寸之不愛全而歸之尚存競業故中門倚廬寢苦枕塊哀親之在外與在土也奈何燥膚消骨忍而爲之供佛飯僧亦何益也又曰孝子之喪親也不甘旨不聽樂毀容不飭唯而不對奈何破家陳寔忘哀樂賓客欲達忱菓餅茶具足可況孝子不食菓菓不食醯醬爲禮之經乎其始也士大夫勸其既也雖婦人走卒樂循無厭火化停殯之俗曰消飲酒事佛之風

楊伯生集序

四

自革至今冠婚喪祭之道家有其書人行其禮風俗獨甲他處皆先生之功也於易謂伏羲畫卦有畫無文當時用之惟觀象耳近日學易惟誦易辭不玩諸畫殊非也又曰文王不惟繫卦辭而爻辭皆文王所繫如文王止繫卦辭是易爲未完之書周公繫爻辭以成之其功固有大於文王者孔子作繫辭傳屢贊文王不置使周公成文王未成之書孔子亦當贊美周公不置也河洛第九篇曰周文轉序三百八十四爻參同契亦爲文王帝之宗結體演爻辭也謂周公繫爻辭實有未安者有謂伏羲止畫八卦文王

因而重爲六十四卦者尤非也此凡以履虎尾否之匪人習坎諸卦疑之殊不知諸卦卦辭之上或遺卦名意當時竹簡之脫落點漆之模糊耳程傳本義精識卓見無容輕議但解比之匪人公弋取彼在穴鶴鳴子和之類其爻位之相應象辭之意義可疑者各有數爻不敢從也最後得西樵翁易說與先生所論冥合信非臆說可知也

楊伯生集序

五

於書謂昔人疑今文之艱澁反不若古文之平易要之辭雅義正皆帝王致治之道非若經解之王霸雜也天時地宜人情世態靡所不備惜紫陽不及盡註蔡氏時亦有誤金氏表註矯之或過離合經文恐未盡然若夫五紀皇極三德庶徵五福六極經文之次序引蘇氏王氏改定似長蔡氏可疑處周文安公之辯最當然當疑者殆不止疑辨錄所載也謂洪範絕與洛書無與經文止言不畀洪範九疇天錫禹洪範九疇初不言洪範爲洛書也孔安國劉向歆父子班固鄭康成輩以爲洛書錫禹果何所稽夫圖書奇耦之數生成之位推驗於易無不符合若洛書之爲洪範厥義何取不過以數之九而已夫洛書有陰陽奇耦之數而九疇之文亦有陰陽奇耦之義乎洪範九疇乃治天下之大法其類有九言

常理耳與洛書絕無相與明矣或曰乃疑天錫之言
不知天錫公純嘏天錫王智勇類也大傳曰河出圖洛
出書聖人則之程子曰聖人見河圖洛書而畫八卦予
雖信此語說過也其咏圖書詩曰義皇書卦豈無初河
出天苞洛地符洪範九疇天錫禹謨儒錯認作占書集
占書作

於詩謂學詩別有門庭與諸經迥異不可阨於義例局
於訓詁要須潔淨胸次反覆吟哦隨文尋義使此心有
所感發興起處第觀庸學孟子之所引左氏諸大夫之
所賦斷章取義而已義例云乎哉朱註超絕古說小序
楊山先生存稿

序

六

中時亦有可觀者然千百之什一也昔人云讀詩之法
本乎朱子用詩之法取乎呂氏蓋得之又曰韓詩外傳
引用多乖經旨如誣孔子阿谷之事尤為悖瑣玩味思
無邪一言則魯齋之論王公直之辨似亦有說然聖人
之意蓋取諸勸戒也

於春秋謂經文本自明白名傳異同未必皆得經旨至
如諸儒以周建子惟以十一月為正朔而時日不改或
以為改月而不改時或以為俱改互相糾議乃千古不
決之疑但左氏作傳去聖人不遠即其所書春王正月
而附以日南至之文必魯史之舊也且禮云正月七月

日至則周之改時改月奚俟於疑而世儒以為不改旁
引曲證亦大勞矣或又謂周人以改時月至孔子作春
秋始以夏之時月紀年最可驚駭夫春秋為亂臣賊子
而作所以遵周也周天子在上聖人雖有德而無位使
其擅改王制其去亂賊幾何此亂常拂理之尤者而謂
聖人為之何以服當時而昭勸懲也若夫謂春秋為天
子之事者蓋以賞罰褒貶明王法於天下言也謂行夏
之時者惟對顏子論王道當如是耳否則與從周之論
不議禮制度之論生今反古之論何相悖哉胡氏詞富
義正其斷言以最宋高則可質之孔子未知何如也且

楊山先生存稿

七

於分合經文大有可議者如隱公二年莒人入自自是
一事無駭帥師入極自是一事胡氏合傳解之桓公二
年戊申宋督弑其君與夷及其大夫孔父本是一事分
為二傳解之如此最多皆不知其說也乃手錄經文正
其分合二氏自不同者固亦爾見日者又錄經文定為
新例分國備書鄭公及鄭儀父盟於蔑一條魯國書之
邾國亦書之凡不與之國不書也
於禮則從先儒以儀禮為經禮記為傳謂周禮六官亡
一世儒以攷工記補之宋元間俞王丘輩始辨其異誤
幼清作三禮考註謂冬官未嘗亡地官之文實缺無有

定一之說者然書也李斯之變殘缺非獨周禮一書也
以考工記非周禮之文良是然文雖不類意亦聯屬後
世有志復古者師聖人之意不必泥其迹可也禮記取
吳氏纂言深以未見魏徵禮類為憾嘗曰禮記之文明
白平正亦多有駁雜欲摘篇中未醇者附本篇末未行
於世

謂學庸語孟學問大本大根看得融貫終身有餘用果
然實下功夫得其旨意所在求諸六經自迎刃而解謂
朱子補大學缺遺固得格致之說然本傳實未嘗亡董
業王方已有辨論論其次第蔡氏得之方氏謂異於朱
楊先生存稿 序

八

子而不乖乎道固朱子之所取也此數言甚善或曰新
民作親民何如曰曾子作傳皆引新字釋之今欲作親
民固無不可但於日新新命新民上說不過去謂中庸
子思受之曾子原之孔子所以立萬世聖學之標準也
表章於程子章句於朱子天德王道炳如日星為學而
異此者異端也出治而異此者霸術也書中戒慎恐懼
謹獨篤恭皆示人以用力處也謂論語想有次第秦火
之餘或為漢儒顛倒中間弟子所言當如子張篇別為
附類且惜顏子之死未聞有好學者既列第六篇中又
不當退問仁問為邦於十二篇十五篇內今之論語恐

非當時弟子所記之次序也齊論魯論雖無明辨辭氣
自有不同者讀者當涵泳見之謂孟子七篇氣勢雄渾
論議爽快篇章完全如畫實孟子所自作非門人輩綴
輯可就也又曰聖經千言萬語總不出孔孟所言誠於
此二書致操存涵養體驗擴充之功措之人常變無不
可者

又謂諸儒解書惟朱子周詳縝密宋元之間草澤之儒
紛然雜出其於五經四書各加訓註主於立說炫奇闢
勝而不盡以解經問有可取數家亦未甚醇備故讀書
之要當以經文為主蓋此理本吾固有諸傳詎可盡信
楊先生存稿 序

九

以為必然須是求之吾心而安推之於人而通達之華
夷而無坎壈方為道之正也學術不正誤天下後世者
多矣其害何可勝論某常言經書所載止形容得聖人
之氣象道理之模肖耳而真聖人真道理皆在於吾人
之心
於歷代則傳之二十一史溫公通鑑旁考各家編記志
錄拾遺小說約諸文公綱目謂宋元綱目綱弛而目裂
終未若晦翁綱目嚴而密也故於丘文莊世史正綱時
亦有取隨園擇事有可紀人有可則可戒者隨摘成輯
以寓勸懲有出於他書亦咏附之周程張邵之書莫不

沈潛反覆謂先儒所論各有異同然道具於心一而己矣不必強其同亦不必會其異惟求其是耳

於皇極經世書尤所肆力元會運世之相經天時人事之交驗陰陽剛柔聲音律呂動植飛走之數推之無不準真有以盡萬物之感應聖賢之事業天地之體用變化始終皆有所不能違消息吉凶無非若燭照數計而龜卜也嘗曰經世書足備一經邵子雖不明言意蓋微寓昔人言其書元會運世如易上經聲音律呂如易下經觀物十二篇如易有繫辭信也其數雖加一倍法實該乎道出於自然非假智營力索而後合也太玄諸

楊山先生存稿序

十

作望其藩籬邈矣往者借書於中溪公書原缺圖二本遍求無有先生推而市之若瑣瑣也晚年得意忘言惟玩先天方圓圖或喜溢顏色如出宇宙暇日取全書中理數體要咏成詩句不限長短積久成帙觀其咏先天圖云八卦方圓內外圖從無生有有全無誰知安樂窩中老親見庖羹問泰初則先生所得不特登展節之望已也

謂律呂關世道日用不淺以之制樂審度審量平衡若入謂黃鐘爲萬事根本良是至於用之候氣則一十二月之中氣以正曆之節氣不爽民之作止得宜一天人

贊化育莫此爲要潛古器既亡今無可據雖有金門山竹羊頭山黍先儒以疑黍之大小難一筭之廣狹不勻欲求之遺制得其上下相生五聲二變與諧聲調之學惟琴之絃弘可攷然不足以盡律之用也迺參考經傳史志歷代名人議論會之朱子鍾律蔡氏新書隨得咏紀及其神會心悟謂古律可復方擬著論制管以裨闕典未行於世

楊山先生存稿序

十一

於天文曆紀謂古先聖王所垂載之六經匪一而足非通儒未易詁此此欽天勤民是爲政首且懸象在天照然可畏其伏見早晚邪正存亡虛實闢阨及五緯所行合散犯守陵歷門食彗孛飛流日月薄食暈適背究抱珥虹蜺迅雷風妖怪雲變氣此皆陰陽之精其本在地而上發乎天政失於此則變見於彼是以人君遇之而克謹天戒以弭其變也又謂聖人揆天行而序景曜分辰野辨躔歷敬農時興物利皆以繫順兩儀紀綱萬類者矣國家固不可一日而不留意儒者可以茫然而不察識其理乎故其數年俯察載籍仰稽軋象所得非深非執定法論天者可窺其涯涘也嘗與人露坐指謂之曰某星入某次某分野當何如此驗不爽又見金木同度口吟云金木煌煌咫尺間金臨木位恐相干野人不

識占天象今夜靈臺仔細觀謂古之治曆隨時考驗以合於天而已蓋天有不齊之運歷惟一定之法久則必差差必修改理勢然耳

國家承運以來曆雖以大統爲名而積分仍授時之舊自洪武成申迄今百八十餘年曆元豈容於不差而亦不可以不改也迺集洪武辛亥宋濂設爲楚客對中辨五星躔度與七政曆所載不合以見歲差之由及洪武甲子刻漏博士元統所上論授時曆歲差氣閏准分與洪武甲子歲差氣閏准分不應及正德年間禮部祠祭司郎中鄭善夫所上日月食歲差氣朔閏餘分秒合三

楊弘山先生存稿

序

三

氏之論爲改正曆元議其味至日詩云歲差年限幾人知星火牽牛細莫思六曆于今都不應曰躔黃道有參差至如推理盡法之妙有兼子雲康節之精固許郭劉高於範圍矣然以國典所禁不傳其祕焉凡七政變異曆紀參差皆隨遇成咏庸誌歲月於古書奇辭與文諸子百氏釋典道書之類謂不有以究之無以見其邪異駁雜之病故靡所不讀咸拔其根而斥其非

作字適勁備六書制不襲俗譌雖札下人未嘗行草單削片牘人咸藏襲爲榮謂古人制字點畫聲音各有義意矧文字者六籍之宗王教之始前人所以垂令今人

其由識古不能以日缺也而其制該禮樂射御數象形即禮之儀諸聲即樂之律指事即射之數會意即御之範轉注假借用數之則豈合隨筆損益若文龐藝舛形體變異音義阻艱焉得爲文哉凡說文六書統諸篆籀字說韻書罔弗研求其義而訂其譌會升菴翁輒舉以辨一音一畫要歸於安

楊弘山先生存稿

序

三

聖賢修之於身無所聞推之於行則無用吾不敢出也理欲二字迺升降大關聖賢同歸非類之入皆於是而分判士之講學正以明此而辨之非以資口耳也且如科舉一途學行兼舉強學篤行失得勿恤今以富貴利達入心求獲所欲蠅視萬姓凡可以美宮室悅妻妾得所識者攘臂而肆其計顧聖賢之啟迪我之所記肄者果爲是耶朝廷以作育生民之屬望果若是耶理之辨不可不嚴諸心也

又曰士惟廉耻之尚故列子之妻寧忍寒而不受人之絹饑人寧餓死而不食其嗟來自禮義折腰簞食

緼袍不耻者可多得乎此士志於道而耻衣食之惡不足與議也問爲學曰盡性性命於天而具於人學者須是天人合一昔人謂教人性非所先謬矣人而不克盡性耳目四體雖正其違禽獸幾何聖人亦不過盡此性耳然作聖之本當在於吾心而開悟成就非講習不可必先本之經書以式繩墨博諸羣史以觀世變次及諸子以辨異同亦須體之身心驗之人我儻徒多尙靡是玩物喪志反於本體有累然知也尤須警惕此心使之常常靈照則理自明而行不疚其根又在立志而有守立志之說往哲所重人人口誦聖賢行則反之問

楊山先生存稿

序

五

有循聖賢之轍又中道而輟惟不牽習俗不恤利害生死一意直前斃而後已奚虞聖賢之不可及乎學技藝而造其闢域者不失爲良工獨求聖賢而不至其地者何哉所以立志貴堅不容斯須闕也
又曰人心不可爲外物所據吾無過人者但於富貴無所慕貧賤無所憂不忻戚於得喪不取舍於愛憎耳人能如此則心之本體不蔽爲學之功半矣或曰先生謂極有年不著作以覺來學何以自解於後世先生曰夫

人爲學所以求至於聖賢已也經書有程式先儒有定說此入都適國之大道也惟立志持敬明諸心而服行

耳焉用著述爲哉然六經所載非外人心立言也榛蕪之餘欲入門下手惟在獨知上用力爲第一著耳久則人盡天純無獨可慎人固聖人也又曰學者只是勤謹收拾身心養節義不淡薄固性含情下人謙己已上儘好商量聖賢堂與若徜徉歲月傲慢夸大奢侈遂非甚而決藩破籬皆不可救藥之病也

鶴齡時亦集有語錄尙未哀類先生平生惟急於踐履不輕著述暮年所得輒形於詩然非工咏寫興者比誠詩中經詩中史也

大理郡名曷爲而議也帝王有天下之鴻號必曰稱大

楊山先生存稿

序

五

自宋畫大渡河段氏據爲大理國者三百年亦曰稱大國號倖於帝王僭也夷也我太祖高皇帝混一宇宙削平僭亂用夏變夷郡名豈可仍段氏大之一字耶宜疏請於朝所當亟正也先生曰黜僭竊於既往正名號於方來洗夷風於前朝揭清明於今日天下萬世之快也亦春秋之法也有正議補議見文集

金沙江曷爲而議也滇中四大水唯金沙江合江漢朝宗於海爲南國方紀蓋天設地造也自蒙氏以來諸夷據險爲亂流成南詔亡唐之禍武侯渡瀘南征首奪此險斬雍闥擒孟獲定滇池平西南之夷太祖高皇帝曰

關索嶺非正道也正道在西北蓋指此江也東西皆
黔中一線諸夷資其桀驁緩急不應手足爲腹心之所
不可言也倘蚤議開沅江無叛志東川無逆謀武定不
致兵燹煨燬如今日也善乎先生之先見也議曰續神
禹疏鑿之迹恢四海會同之風息東西兩路之肩拊滇
雲百蠻之背昔爲絕險奧區今爲掌中腹裏皇明大一
統無外之治億萬年無疆之休其在斯乎出存稿

楊弘山先生存稿序

六

諫草江湖白髮見弘山

先生齋居定靜安慮形著動變出處行藏宛然孔顏家
法文章則直祖秦漢班馬安崖黃公臣云遵經筆下差
班馬尋樂年來學孔顏

先生坐卧小樓號七尺書樓仰齋督學胡公相與講明
邵康經世之學宿村南舍亭欲登書樓不果卽席贈聯
云百年人物忻相際七尺書樓未易攀

先生性學唯提靈知一字當時禪宗內典禹卷鑽研所
私淑者白沙陽明所遠交者念菴東廓雖曰與中谿公
兀坐累紙探尋開覺獨先而佛學中所得不淺但未形

於言耳題咏云飛湖白鹿幾千秋朱陸高蹤尙可求天
下何曾乏知己念菴今日記東遊又云心齋千里謁陽
明問蒼鏗鏘聽耳傾十載神交元有夢一時仰止二先
生

先生性學既到非富貴利達無動於中卽吉凶災祥神
於先見凡占驗觀玩知靈自照耳嗟乎中谿公之言曰
先生之學靜極通達非必得數也見郡志
蒼山石先時京師繁取爲地方惠先生憂形於色致草
與巡按陳公察先生曰禹貢所載惟服食器用而耳目
之役不與焉梁州璆鐵銀鏤器雍州球琳珎珎咸

楊弘山先生存稿序

七

器用也點蒼石細玩爾工匠之伐鑿終歲血指人力之
傳送何日息肩君子不以養人者害人况非養人者乎
陳公得之疏請封止民亦有利哉見郡志

侍御金嵩李公東嘗曰弘山先生家無負郭之田堂僅
旋馬之地卻當塗之饒麾土司之金豈獨性體定哉亦
佛學精而世味輕耳慕學最先前後蒼洱諸君子耿慕
迄今不衰

本道姜公飭榆號時川與先生最相臭味或延升菴輩
結盟崇聖寺慈壽藥地從直訪做廬輒有講明海內名
流爭識其面姜公一日約饒青龍池爲周子蓮亭池曰

可泣千人即當善施予可乎不受今池上祠國課下濟
民生如昔鄧川江田年潦千畝聖壽寺門地俱止受其
符券日惟遙望山原松楸手植千株偃息其中與王公
卓峰談唐刻石經

巡按帥公號石吾批查報聖壽寺地爲顯祀楊公簪筆
承明潛心經史清修隆於朝守素行重乎鄉評仰慕遺
芳合當頌祀

巡按李公號晴野取皇極經世丹鉛餘錄等書行府嘉
與本宦直道行於科省建辭詔而德彌高清節著於居
鄉至恬真而論益重

楊弘山先生存稿

序

末

提學道劉公號小鶴取天文律曆詠史理學等書嘉興
分巡道胡公號雲屏楊公清德淳行表表於立朝居鄉
人雖已逝風範尤存

都察院吳公號瞻山

察院馮公批本宦先達蓋有學行者會請嘉興之意
餘如當時大學士石齋楊公曰人品學術當于三代以
上求之及科道內外交章疊出不能盡述結舉邇來所
獎借者附之

靈知一點足照千古祖弘山氏詘世味而理眞靈爲
天地陰陽之鏡聖賢人物之鑑諸所讎校中籍公等

願爲之忠臣當途

明公競賞不置其光耿耿至今未磨豈與薪水陋巷並
其烜耀耶不肖記忽蠹蝕而汨汨也敢倒篋荷重加
編次其梗概云

萬曆乙卯冬仲長至日抱一守搜孫士楊德薰沐百頓
謹識

楊弘山先生存稿

序

元

戶科左給事中弘山先生墓表

點蒼五臺峯之麓有隱君子曰弘山先生以嘉靖甲寅秋九月八日卒年七十有八是冬十二月二十四日葬于弘圭山先塋之次越五年先生之子準率諸孫來謁曰吾考之葬門人楊鶴齡既爲誌于玄堂而未有以表諸封隧懼久人無得而稱焉敢惟子也請陽少時望見先生古貌秀爽談論疊疊喜汲引來學心甚慕之後於京邸得奉周旋先生每折行輩以相傾下里居以來雖不得日侍談塵而先生之一言一行無非教鄉閭風後進之懿矩矱中心服而佩藏之先生屬續前三日陽夢楊弘山先生存稿墓表

先生來爲別館葬後一年陽夢先生來屬碑與懷疇昔鏤骨不忘竊願以一言自託于先生不可得而陽亦老矣矧以汝推重有請乎先生少力學工于文辭督學使小試大奇之弘治辛酉以詩經薦雲貴鄉試第一人上春官失意乃游太學同舍生曾確爲白沙門人述其師之說一言孚契深悔舊業之非因研究性理清修益篤楊公宗堯舊同筆硯與講明此學輟意進取亦既有年鄉之老宿以父母之命強之先生知不可以口舌爭勉強應試雖累場屋終不變其學以狗時好正德丁丑登舒芬榜進士以文望改翰林庶吉士由是名動公卿

一時同館如崔如玉以博洽自負獨推先生以爲莫及己則冬授工科給事中奉詔查盤湖貴糧積事訖取道省親比入鄉國十里之外輒弛導從不欲以使節凌鄉人惟單車匹馬逡巡而趨會丁外艱哀毀骨立與疾復命往返燕黔不受驛廩苦塊飢粥如在喪次萬里長途寒暑載變守禮畏法有如一曰服除之後親識勸駕先生曰太孺人在堂何忍去離且萬無奉以俱往理遂決意不出坐卧一小樓左右圖史非親族慶弔足不踰戶樓甚惡隘貴官閱焉欲拓其居先生曰先人容焉於某侈矣風雨燥濕人不堪其陋先生曾無聲容嘉靖己丑楊弘山先生存稿墓表

太孺人寢疾先生衣不解帶目不交睫比歿悲慟垂絕復世既葬欲廬墓嫌于沽名遙望松楸朝不問夕閉戶讀書一坐十年吏於土者欲一見而不可得先生之居去城二舍兵憲姜公每造其廬信宿而後去謂人曰弘山清氣逼人可敬可畏督學孫公把手語嘖嘖嘆賞謂當世鮮有其儔時雲南撫按部院科道論薦章疏交出幾至不謀而同嘉靖丁酉吏部尚書薦起光祿卿馬公理及先生等若干人有司勸促日至不得已就選三京補兵科給事中尋轉戶科左給事中先生見俗尚趨別當途非數候不得見聞人非重賂弗爲通遂閉關不

出以病報有頃吏部遣人至曰補提學先生曰老弗能也又曰補司業曰提學且弗勝况司業乎乃擬改尙寶卿先生亟辭于天官曰尙寶僚屬膏粱族也固非貧士所堪任而疾病餘生非可久於京師者迺上疏乞骸骨會內閣議選宮僚先生預焉輔臣見疏因除名甚惜之命下允還家調治瘥日赴部先生既得歸來仍坐小樓探討六籍爲士者往往聞其緒言而有所開悟康節皇極甘石星經枕藉弗去各爲詠贊以明其所得巡按御史劉公郝公林公巡撫都御史應公論薦摺續皆謂先生負士林之重望爲一方之鉅儒不宜老于牖下有司

楊弘先生存稿

墓表

三

勸駕懇懇先生不應竟以是終先生平生清介凡交際有餽遺輒面赤若將浼焉居鄉與物無忤人有盜其弟室豚羝者弟既偵知先生輒止之曰豚羝細物惡可以盜名加人也有監司饋金使武吏致之竟爲武吏懷去亦不復問其敦行古道類如此身爲言官垂四十年子孫無羨布餘粟僅能力耕以食視世之盱睢以取容龍斷以足欲其實不肖何如哉先生諱士雲字從龍別號弘山一號九龍真逸名其居曰乾乾齋于成化丁酉六月十日世爲太和喜洲人其本董氏其先有諱昇寶者仕元爲鄧州同知寶生高祖諱俊爲大理宣慰儒學

學錄俊生曾祖文道文道生祖鉉鉉生考該考之幼也祖姑董氏愛其穎敏遂抱爲己子祖鉉弗難也許之因姓楊氏今贈兵科給事中母陽氏同邑斌女鄉稱其賢贈太孺人妻陽氏同鄉鐸女族歸其善封孺人子男二人準模模早世女一適周吾爲孫四人應柳應胃應虛應井女孫三人楊東邕杜承勳王萬春其婿也先生先踐履而後著述嘗分錄春秋正文以證胡傳之誤又訂尙書蔡傳之得失皆未及脫稿所著有黑水集證一卷郡大記一卷先生究心皇極經世書天文曆誌律呂諸史韓詩外傳老莊列子說苑太乙皆有詠詩可證其

楊弘先生存稿

墓表

四

門人方彙次未行

賜進士第中憲大夫知荊州府事前翰林院庶吉士江西道監察御史邑人後學李元陽拜撰

明恩儒官隱君子七十三翁鶴臺楊公行狀

嗚呼先曾大父太史弘山公以聖賢爲學考大賢之裔也居恆謂吾門有聖賢爾爾曾足矣聖賢教人復性求仁考仁者止是耶絕筆訣言尤以適求爲訂孤忍念此且悼且恨上之不能殺章奉老食釜之報下之不能磨範顯考享一日之名問極之恩何日酬之謹血淚以狀考諱應胃字西陸號鶴臺應眉豐準醇厚無他腸陶太史曾治不受金鑄而受瓦鑄故行多謹靜嗚呼豈獨得之天性茂哉明經受義置簪燈單光丙夜不輟僅僅家塾疊序補名弟子員彼其時博紫班榮無難者蓋楊山先生志稿行狀

太史曾葆恬養素教類然也曾無遺產田每孫數弓考多拮据先妣懿婉同攻苦茹淡迺出妝奩稍有負廓之賴孤幼子嬰疾考妣拱壁以有今日孤六歲知讀妣不容論闕考爲內侍後八歲方出孤于師所不幸妣療棄孤考以嚴易慈以父道兼母道閉門課讀不譙議每作激勵聲後又出孤于麓泉舅師所專督孤以繩尺之法會部學使者劉公進孤聲籍中谿公尋召擊節期孤光大考且勵之曰謂爾髫年初試即邀倫藉甚乎祖清行我苦志咸未竟酬在爾矣爾其堅爾志孤唯唯燈火山中三年不出山考一羹一盂分哺管兒具躬自饋遺

呼艱矣乙酉孤文成計偕蒼洱錄孤一人座主都諫官

楊楊公主政生洲彭公直指毓華李公當鹿鳴而譚先系僉謂山川之鍾詎知世德之產耶考捷尉志愜而不色喜夫人僉憲明齋楊公紹紳相賀考遂巡僑僕楊公曰是能不鑒弘翁者有子當宣木發宜也考益下氣不驕奉恩例檄下今儒官耀隱也考冷然善也且勵孤曰爾知今日之自乎爾曾累德植爾有年矣則今日纂刻一事也高棅樸一事也修墓一事也肩在爾故迄今成功又申勵之曰爾欲肖爾曾必自今日始母謂公母猶私益培此冥鷗母鑒事大父晨昏侍案輒得其懽心有

楊山先生志稿行狀

二

幹濟必曰考某考某諸子雖多賢行自爲弗及也值大母何窮目令妣婦事開明刺翳母何多慰晚年供子合于親帷適何瀉脾負桶身自浣滌兄有緩急爲畫生人始終不覺垂涕道之母他戚之也繼妣蚤世子女遺囑考曰二子卽爾子也令二子歲時禮事今歲七者成立歲三者無異已出其喪葬孤代考畢力考淚慰曰當如禮生死累爾爾善珍攝孤嬰上春官考輒萬里淚書爾寸進當報君親若直畏途俛仰已乎計不若修爾曾之業以慰我頽年于一望今孤恨不出若出當如考之靈何生平樂易喜施埋枯佐賑損蔬參斗捧玉經登天臺